



文選正文

山子點

三

~ 16
2684
4



門 八 18
2684
卷 4

文選正文卷之三

賦類

登樓賦

王粲

登茲樓以四望兮。聊暇日以消憂。覽斯宇之所處兮。實顯敞而寡仇。挾清漳之通浦兮。倚曲沮之長洲。背墳衍之廣陸兮。臨臯隰之沃流。北彌陶牧。西接昭丘。華實蔽野。黍稷盈疇。雖信美而非吾土兮。曾何足以少留。遭紛濁而遷逝兮。漫踰紀以迄今。情眷眷而懷歸兮。孰憂思之可任。憑軒檻以遙望兮。向北風而開襟。平原遠而極目兮。蔽荆山之高岑。路逶迤而修迥兮。川旣漾而濟深。悲舊鄉之壅隔兮。涕橫墜而弗禁。昔尼父之在陳兮。有歸歎之歎音。鍾儀幽而楚奏兮。莊舄顯而

昭
和
九
月
三
日
示

越吟人情同於懷土兮。豈窮達而異心。惟日月之逾邁兮。矣河清其未極。與王道之一平兮。假高衢而騁力。懼匏瓜之徒懸兮。畏井渫之莫食。步棲遲以徙倚兮。白日忽其將匿。風蕭瑟而並興兮。天慘慘而無色。獸狂顧以求羣兮。鳥相鳴而舉翼。原野間其無人兮。征夫行而未息。心悽愴以感發兮。意怵怛而憐惻。循階除而下降兮。氣交憤於胷臆。夜參半而不寐兮。悵盤桓以反側。

遊天台山賦

并序

孫綽

天台山者。蓋山嶽之神秀也。涉海則有方丈蓬萊。登陸則有四明天台。皆玄聖之所遊化。靈仙之所窟宅。夫其峻極之狀。嘉祥之美。窮山海之瓌富。盡人神之壯麗矣。所以不列於五

嶽。闕載於常典者。豈不以所立冥奧。其路幽迴。或倒景於重溟。或匿峰於千嶺。始經魑魅之塗。卒踐無人之境。舉世罕能登陟。王者莫由禪祀。故事絕於常篇。名標於奇紀。然圖像之興。豈虛也哉。非夫遺世翫道。絕粒茹芝者。烏能輕舉而宅之。非夫遠寄冥搜。篤信通神者。何肯遙想而存之。余所以馳神運思。晝詠宵興。俛仰之間。若已再升者也。方解纓絡。永託茲嶺。不任吟想之至。聊奮藻以散懷。

太虛遼廓而無閼。運自然之妙。有融而爲川。瀆結而爲山阜。嗟台嶽之所奇挺。實神明之所扶持。陰牛宿以曜峯。託靈越以正基。結根彌於華岱。直指高於九疑。應配天於唐典。齊峻極於周詩。邈彼絕域。幽邃窈窕。近智者以守見。而不之之者。

以路絕而莫曉。晒夏蟲之疑冰。整輕翮而思矯。理無隱而不彰。啓一奇以示兆。赤城霞起。以建標。瀑布飛流。以界道。觀靈驗而遂徂。忽乎吾之將行。仍羽人於丹丘。尋不死之福庭。苟台嶺之可攀。亦何羨於層城。釋域中之常戀。暢超然之高情。被毛褐之森森。振金策之鈴鈴。披荒榛之蒙籠。陟峭崿之崢嶸。濟樛溪而直進。落五界而迅征。跨穹隆之懸磴。臨萬丈之絕冥。踐莓苔之滑石。搏壁立之翠屏。攬樛木之長蘿。援葛藟之飛莖。雖一冒於垂堂。乃永存乎長生。必契誠於幽昧。履重險而逾平。既克濟於九折。路威夷而脩通。恣心目之寥朗。任緩步之從容。藉萋萋之織草。蔭落落之長松。觀翔鸞之裔裔。聽鳴鳳之嗶嗶。過靈溪而一濯。疏煩想於心曾。蕩遺塵於旋

流。發五蓋之遊蒙。追羲農之絕軌。躡二老之玄蹤。陟降信宿。迄于仙都。雙闕雲竦。以夾路。瓊臺中天。而懸居。朱閣玲瓏。於林間。玉堂蔭映。於高隅。彤雲斐亶。以翼樞。皦日炯晃。於綺疏。八桂森挺。以凌霜。五芝含秀。而晨敷。惠風佇芳。於陽林。醴泉涌溜。於陰渠。建木滅景。於千尋。琪樹璀璨。而垂珠。王喬控鶴。以冲天。應真飛錫。以躡虛。騁神變之揮霍。忽出有而入無。於是遊覽既周。體靜心閒。害馬已去。世事都捐。投刃皆虛。目牛無全疑。思幽巖。朗詠長川。爾乃羲和亭午。遊氣高褰。法鼓琅以振響。衆香馥以揚烟。肆覲天宗。爰集通仙。挹以玄玉之膏。漱以華池之泉。散以象外之說。暢以無生之篇。悟遣有之不盡。覺涉無之有間。泯色空以合跡。忽卽有而得玄。釋二名之

效選正效 卷之三
同出消一無於三幡恣語樂以終日等寂默於不言渾萬象
以冥觀兀同體於自然

蕪城賦

鮑昭

瀟池平原南馳蒼梧漲海北走紫塞鴈門施以漕渠軸以崑
岡重江複關之隩四會五達之莊當昔全盛之時車挂轆人
駕肩廬閉撲地歌吹沸天孽貨鹽田鎡利銅山才力雄富士
馬精妍故能侈秦法佚周令劃崇墉刻瀆洫圖脩世以休命
是以板築雉堞之殷井幹烽櫓之勤格高五嶽袤廣三墳崕
若斷岸轟似長雲製磁石以禦衝糊頽壤以飛文觀基局之
固護將萬祀而一君出入三代五百餘載竟瓜剖而豆分澤
葵依井荒葛罽塗壇羅虺蜃階鬪磨臚木魅山鬼野鼠城狐

風嗥雨嘯昏見晨趨饑鷹厲吻寒鴟嚇雛伏蹏藏虎乳血餐
膚崩榛塞路崢嶸古道白楊早落塞草前衰稜稜霜氣款款
風威孤蓬自振驚砂坐飛灌莽杳而無際叢薄紛其相依通
池旣已夷峻隅又以頽直視千里外唯見起黃埃疑思寂聽
心傷已摧若夫藻局黼帳歌堂舞閣之基璇淵碧樹弋林釣
渚之館吳蔡齊秦之聲魚龍爵馬之玩皆薰歇燼滅光沈響
絕東都妙姬南國麗人蕙心紈質玉貌絳唇莫不埋魂幽石
委骨窮塵豈憶同輦之愉樂離宮之苦辛哉天道如何吞恨
者多拙琴命操爲蕪城之歌歌曰邊風急兮城上寒井徑滅
兮丘隴殘千齡兮萬代其盡兮何言

魯靈光殿賦

并序

王延壽

魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見隳壞而靈光歸然獨存意者豈非神明依憑支持以保漢室者也然其規矩制度上應星宿亦所以永安也予客自南鄙觀藝於魯觀斯而貽曰嗟乎詩人之興感物而作故奚斯頌僖歌其路寢而功績存乎辭德音昭乎聲物以賦顯事以頌宣匪賦匪頌將何述焉遂作

賦曰

粵若稽古帝漢祖宗濬哲欽明殷五代之純熙紹伊唐之炎精荷天衢以元亨廓宇宙而作京敷皇極以創業協神道而太寧於是百姓昭明九族敦序乃命孝孫俾侯于魯錫介珪

以作瑞宅附庸而開宇乃立靈光之秘殿配紫微而為輔承明堂於少陽昭列顯於奎之分野瞻彼靈光之為狀也則嗟哦罪鬼危巍岵岵吁可畏乎其駭人也迢遶倜儻豐麗博敞洞軫軼兮其無垠也邈希世而特出羗瓌譎而鴻紛屹山峙以紆鬱隆岬岬乎青雲鬱坱圠以增岷崩繪綾而龍鱗汨磴磴以璀璨赫燁燁而燭坤狀若積石之鏘鏘又似乎帝室之威神崇墉岡連以嶺屬朱闕巖巖而雙立高門擬于閭闔方二軌而並入於是乎乃歷夫太階以造其堂俯仰顧眄東西周章彫彩之飾徒何為乎滟滟汙汙流離爛熳皓壁皜曜以月照丹柱欵絕而電燧霞駸雲蔚若陰若陽濯濩燐亂焯焯煌煌隱陰夏以中處澍寥窈以崢嶸鴻燿焜以燻閭颺蕭條

而清冷動滴。瀝以成響。殷雷應其若驚。耳嘈嘈以失聽。日曠
曠而喪精。駢密石與琅玕。齊玉璫與璧英。遂排金扉而北入。
宵藹藹而晦曖。旋室嫵媚以窈窕。洞房叫窸而幽邃。西廂踟
躕以閑宴。東序重深而奧祕。屹睥睨以勿罔。屑鷹翳以懿漚。
竟悚悚其驚斯。心惴惴而發悸。於是詳察其棟宇。觀其結構。
規矩應天上。憲觜瞰偏危。雲起嶽嶽離樓。三間四表。八維九
隅。萬楹叢倚。磊砢相扶。浮柱峒帶。以星懸。漂嶢峴而枝柱。飛
梁偃蹇。以虹指。揭遽遽而騰湊。層檻礫崑。以岌峩。曲枅要絡。
而環勾。芝栴攢羅。以戢香。枝掌杈捋。而斜據。倚天嶠。以橫出。
互黝糾而搏負。下弗蔚以璀錯。上崎嶇而重注。捷獵鱗集。支
離分赴。縱橫駱驛。各有所趣。爾乃懸棟結阿。天窓綺踈。圓淵

方井。反植荷渠。發秀吐榮。茵苜披敷。綠房紫葍。宙窳垂珠。雲
粲藻悅。龍楠彫鏤。飛禽走獸。因木生姿。奔虎攫拏。以梁倚。佗
奮豐而軒鬣。虬龍騰驤。以蜿蟺。領若動而躩踈。朱鳥舒翼。以
峙衡。騰地蟻蚪。而遠接。白鹿子。蛻於構。檻蟠螭宛轉。而承楹。
狡兔踈伏。於柎側。猿狖攀椽。而相追。玄熊岬蛻。以斷斷。却負
戴而蹲踈。齊首目。以瞪眇。徒脈脈而行。狝胡人遙集。於上楹。
儼雅跽而相對。佗欺猓。以鵬耽。頤頤而睽睽。狀若悲愁。於
危處。憮頰蹙而含悴。神仙岳岳。於棟間。玉女闕窓。而下視。忽
矐眇。以響像。若鬼神之髣髴。圖畫天地。品類羣生。雜物奇怪。
山神海靈。寫載其狀。託之丹青。千變萬化。事各繆形。隨色象。
類曲得其情。上紀開闢。遂古之初。五龍比翼。人皇九頭。伏羲

鱗身女媧蛇軀鴻荒樸畧。厥狀睚眦。煥炳可觀。黃帝唐虞。軒冕以庸。衣裳有殊。下及三后。淫妃亂主。忠臣孝子。烈士貞女。賢愚成敗。靡不載敘。惡以誠世。善以示後。於是乎連閣承宮。馳道周環。陽榭外望。高樓飛觀。長塗升降。軒檻曼延。漸臺臨池。層曲九成。屹然特立。的爾殊形。高徑華蓋。仰看天庭。飛陛揭孽。緣雲上征。中坐垂景。頽視流星。千門相似。萬戶如一。巖突洞出。逶迤詰屈。周行數里。仰不見日。何宏麗之靡靡。谷用力之妙勤。非夫通神之俊才。誰能尅成乎此。敷據坤靈之寶勢。承蒼昊之純殷。包陰陽之變化。含元氣之烟燼。玄醴騰涌。於陰溝。甘露被宇。而下臻。朱桂黝儵。於南北。蘭芝婀娜。於東西。祥風翕習。以颯灑。激芳香。而常芬。神靈扶其棟宇。歷千載而彌堅。永安寧。以祉福。長與大漢。而久存。實至尊之所御。保延壽而安。子孫苟可貴。其若斯。孰亦有云。而不珍。亂曰。彤彤靈宮。歸罪穹崇。紛厖鴻兮。崩劣嶷。蒼岑崑崙。疑駢龍。從兮。連拳偃蹇。崑崙踳蹌。俯欹傾兮。歇歛幽靄。雲覆灑。霽洞杳冥兮。葱翠紫蔚。礪礪瑰瑋。含光啓兮。窮奇極妙。棟宇已來。未之有兮。神之營之。瑞我漢室。永不朽兮。

景福殿賦

何晏

大哉惟魏。世有哲聖。武創元基。文集大命。皆體天作。制順時立。政至于帝皇。遂重熙而累盛。遠則襲陰陽之自然。近則本人物之至情。上則崇稽古之弘道。下則闡長世之善經。庶事既康。天秩孔明。故載祀三三。而國富刑清。歲三月。東巡狩。至

於許昌望祠山川考時度方存問高年率民耕桑越六月既
望林鍾紀律大火昏正桑梓繁蕪大雨時行三事九司宏儒
碩生相與感乎溽暑之伊鬱而慮性命之所平惟岷越之不
靜寤征行之未寧乃昌言曰昔在蕭公暨于孫卿皆先識博
覽明允篤誠莫不以爲不壯不麗不足以一民而重威靈不
節不美不足以訓後而示厥成故當時享其功利後世賴其
英聲且許昌者乃大運之攸戾圖識之所旌苟德義其如斯
夫何宮室之勿營帝曰俞哉玄輅旣駕輕裘斯御乃命有司
禮儀是具審量日力詳度費務鳩經始之黎民輯農功之暇
豫因東師之獻捷就海孽之賄賂立景福之秘殿備皇居之
制度爾乃豐層覆之耽耽建高基之堂堂羅疏柱之汧越肅

坻鄂之鏘鏘飛欄翼以軒翥反宇轡以高驥流羽毛之葦藜
垂環玼之琳琅參旗九旒從風飄揚皓皓盱盱丹彩煌煌故
其華表則鎬鎬鏘鏘赫奕章灼若日月之麗天也其奧秘則
翳蔽曖昧髣髴退概若幽星之纏連也旣櫛比而攢集又宏
璉以豐敞兼苞博落不常一象遠而望之若摘朱霞而耀天
文迫而察之若仰崇山而戴垂雲嗟瓌瑋以壯麗紛彳彳其
難分此其大較也若乃高甍崔嵬飛宇承寬懸蠻黠鬻隨雲
融泄鳥企山峙若翔若滯峨峨喋喋罔識所屆雖離朱之至
精猶眩曜而不能昭晰也爾乃開南端之豁達張筍虡之輪
幽華鍾杙其高懸悍獸仡以儺陳體洪剛之猛毅聲訇礮其
若震爰有遐狄錄質輪茵坐高門之側堂彰聖主之威神芸

若克庭槐楓被宸綬以萬年綵以紫榛或以嘉名取寵或以
美材見珍結實商秋敷華青春藹藹萋萋馥馥芬芬爾其結
構則脩梁彩制下褰上奇桁梧複疊勢合形離絕如宛虹赫
如奔螭南岫陽榮北極幽崖任重道遠厥庸孔多於是列髹
彤之繡栢垂琬琰之文璫蠃若神龍之登降灼若明月之流
光爰有禁楸勒分翼張承以陽馬接以圓方斑間賦白疎密
有章飛柳鳥踊雙轅是荷赴險凌虛獵捷相和皎皎白間離
離列錢晨光內照流景外燧烈若鉤星在漢渙若雲梁承天
駟徙增錯轉縣成郭茄密倒植吐被芙蓉繚以藻井編以綵
疏紅葩鞞鞞丹綺離婁茵苔絕翕織縟紛敷繁飾累巧不可
勝書於是蘭栢積重窳數矩設檝櫨各落以相承欒棋天蟠

而交結金楹齊列玉鳥承跋青瑣銀鋪是爲闔闔雙枚旣脩
重桴乃飾槐栢緣邊周流四極侯衛之班藩服之職溫房承
其東序涼室處其西偏開建陽則朱炎豔啓金光則清風臻
故冬不淒寒夏無炎燁鈞調中適可以永年墉垣碣基其光
照照周制白盛今也維縹落帶金釭此焉二等明珠翠羽往
往而在欽先王之允塞悅重華之無爲命其工使作續明五
采之彰施圖象古昔以當箴規椒房之列是準是儀觀虞姬
之容止知治國之佞臣見姜后之解佩寤前世之所遵賢鍾
離之讜言懿楚樊之退身嘉班妾之辭輦偉孟母之擇隣故
將廣智必先多聞多聞多雜多雜眩真不眩焉在在乎擇人
故將立德必先近仁欲此禮之不訾是以盡乎行道之先民

朝觀夕覽何與書紳若乃階除連延蕭蔓雲征樛檻邛張鉤
錯矩成楮類騰蛇相似瓊英如螭之蟠如虬之停玄軒交登
光藻昭明騶虞承獻素質仁形彰天瑞之休顯照遠戎之來
庭陰堂承北方軒九戶右个清宴東西其宇連以永寧安昌
臨圃遂及百子後宮攸處處之斯何窈窕淑女思齊德音聿
求多祐其祐伊何宜爾孫子克明克哲克聰克敏永錫難老
兆民賴止於南則有承光前殿賦政之宮納賢用能詢道求
中疆理宇宙甄陶國風雲行雨施品物咸融其西則有左城
右平講肄之場二六對陳殿翼相當僻脫承便益象戎兵察
解言歸警諸政刑將以行令豈惟娛情鎮以崇臺實曰永始
覆閣重闈猖狂是俟京庾之儲無物不有不虞之戒於是焉

取爾乃建凌雲之層盤浚虞淵之靈沼清露瀼瀼淶水浩浩
樹以嘉木植以芳草悠悠玄魚皦皦白鳥沈浮翔翔樂我皇
道若乃虬龍灌注溝洫交流陸設殿館水方輕舟篁樓鷗
鷺瀨戲鯁鮪豐侔淮海富賑山丘叢集委積焉可輝篲雖咸
池之壯觀夫何足以比讎於是揭以高昌崇觀表以建城峻
廬岩巖岑立崔嵬巒居飛閣干雲浮階乘虛遙目九野遠覽
長圖俯看三市孰有誰無觀農人之耘耔亮稼穡之艱難惟
饗年之豐寡思無逸之所歎感物衆而思深因居高而慮危
惟天德之不易懼世俗之難知觀器械之良窳察俗化之誠
僞瞻貴賤之所在悟政刑之夷陂亦所以省風助教豈惟盤
樂而崇侈靡屯方列署三十有二星居宿陳綺錯鱗比辛壬

癸甲爲之名秩。房室齊均。堂庭如一。出此入彼。欲反忘術。惟
工匠之多端。固萬變之不窮。物無難而不知。乃與造化乎比。
隆讐天地。以開基並列。宿而作制。制無細而不協。於規景作
無微。而或違於水臬。故其增構如積。植木如林。區連域絕。葉
比枝分。離背別趣。駢田胥附。縱橫踰延。各有攸注。公輸荒其
規矩。匠石不知其所斲。既窮巧於規摹。何彩章之未殫。爾乃
文以朱綠飾。以碧丹點。以銀黃爍。以琅玕光明。熠燿文彩。璘
璠清風萃而成響。朝日曜而增鮮。雖崑崙之靈宮。將何以乎。
侈旃規矩。旣應乎天地。舉措又順乎四時。是以六合元亨。九
有雍熙。家懷克讓之風。人詠康哉之詩。莫不優游以自得。故
淡泊而無所思。歷列辟而論功。無今日之至治。彼吳蜀之湮
滅。固可翹足而待之。然而聖上猶孜孜靡忒。求天下之所以
自悟。招忠止之士。開公直之路。想周公之昔戒。慕咎繇之典
謨。除無用之官。省生事之故。絕流遁之繁禮。反人情之太素。
故能翔岐陽之鳴鳳。納虞氏之白環。蒼龍覲於陂塘。龜書出
於河源。醴泉涌於池圃。靈芝生於丘園。總神靈之貺祐。集華
夏之至歡。方四三皇而六五帝。會何周夏之足言。

海賦

木華

昔在帝媯。巨唐之世。天網淳溥。爲洞爲察。洪濤瀾汗。萬里無
際。長波浩漭。池涎八裔。於是乎禹也。乃鑿臨崖之阜。陸決陂
潢。而相浹。啓龍門之峯嶺。墾陵巒而斬鑿。羣山旣畧。百川潛
滌。泱泱澹澹。騰傾赴勢。江河旣導。萬穴俱流。掎拔五嶽。竭溟

九州瀝滴滲淫蒼蔚雲霧消流決瀼莫不來注於廓靈海長
爲委輸其爲廣也其爲怪也宜其爲大也爾其爲狀也則乃
液洩歛灑浮天無岸冲融沆瀣渺瀟淡漫波如連山乍合乍
散嘘噏百川洗滌淮漢襄陵廣鳥溇瀉浩汗若乃大明撫繼
於金樞之穴翔陽逸駭於扶桑之津影沙碧石蕩鷗鳥濱於
是鼓怒溢浪揚浮更相觸搏飛沫起濤狀如天輪膠反而激
轉又似地軸挺拔而爭廻岑嶺飛騰而反覆五岳鼓舞而相
颺涓瀆淪而瀟灑鬱沕迭而隆頽盤盪激而成窟洄洑滌滌而
爲魁潤泊泊而池颺磊芻芻而相逐驚浪雷奔駭水迸集開
合解會瀼瀼濕濕葩華歔沚頽潭淅瀝若乃靈暘潛銷莫振
莫竦輕塵不飛纖蘿不動猶尚呀呬餘波獨湧澎濞濞礧礧

磊山壘爾其枝岐潭淪渤蕩成汜垂鬢隔夷廻互萬里若乃
偏荒速告王命急宣飛駿鼓楫汎海凌山於是候勁風揭百
尺維長綯挂帆席望濤遠決罔然鳥逝鷗如驚鳧之失侶倏
如六龍之所掣一越三千不終朝而濟所屆若其負穢臨深
虛誓愆祈則有海童邀路馬銜當蹊天吳乍見而髣髴蜃像
暫曉而閃屍羣妖邁迕眇睒冷夷決帆摧撞戕風起惡廓如
靈變惚恍幽暮氣似天青鬢鬢雲布霍昱絕電白色妖露呵
嗽掩鬱曠睽無度飛滂相礮激勢相沓崩雲屑雨泆泆汨汨
踈踈湛灤沸潰滄溢濯泝泝濶濶蕩蕩雲沃日於是舟人漁子徂
南極東或屑沒於鼉鼉之穴或挂胷於岑嶽之峰或掣掣洩
洩於裸人之國或汎汎悠悠於黑齒之邦或乃萍流而浮轉

或因歸風以自反徒識觀怪之多駭乃不悟所歷之近遠爾其大量也則南澮朱崖北灑天墟東演析木西薄青徐經途溲溲萬萬有餘吐雲霓含龍魚隱鯢鱗潛靈居豈徒積太顛之寶貝與隨侯之明珠將世之所收者常聞所未名者若無且希世之所聞惡審其名故可仿像其色鑿黥其形爾其水府之內極深之庭則有崇島巨鼇岬峴孤亭孽洪波指太清竭磐石棲百靈颺凱風而南逝廣莫至而北征其垠則有天琛水怪鮫人之室瑕石詭暉鱗甲異質若乃雲錦散文於沙汭之際綾羅被光於螺蚌之節繁采揚華萬色隱鮮陽冰不沿陰火潛然焙炭重燔吹烟九泉朱燼綠煙曖眇蟬蛸魚則橫海之鯨突抗孤遊憂巖嶽偃高濤茹鱗甲吞龍舟驗波則洪連踈踏吹滂則百川倒流或乃蹭蹬窮波陸死鹽田巨鱗挿雲鬣鬣刺天顛骨成嶽流膏爲淵若乃巖坻之隈沙石之欽毛翼產殼剖卵成禽鳧雛離襍鶴子淋滲羣飛侶浴戲廣浮深翔鷺連軒洩洩淫淫翻動成雷擾翰爲林更相叫嘯詭色殊音若乃三光旣清天地融朗不汎陽侯乘躋絕往覲安期於蓬萊見喬山之帝像羣仙縹眇餐玉清涯履阜鄉之畱鳥被羽翮之穆襪翔天沼戲窮溟甄有形於無欲永悠悠以長生且其爲器也包乾之奧括坤之區惟神是宅亦祇是廬何奇不有何怪不儲茫茫積流含形內虛曠哉坎德卑以自居弘往納來以宗以都品物類生何有何無

江賦

郭璞

峇五才之並用。實水德之靈。長惟岷山之導。江初發源。乎濫觴。聿經始於洛。沫攏萬川。乎巴梁。衝巫峽。以迅激。躋江津。而起漲。極泓量。而海運狀。滔天以森。茫總括漢泗。兼包淮湘。并吞沅澧。汲引沮漳。源二分於岷。味流九派。乎潯陽。鼓洪濤於赤岸。淪餘波。乎柴桑。網絡羣流。商摧涓澮。表神委於江都。混流宗而東會。注五湖。以漫漭。灌三江。而澎湃。滴汗六州之域。經營炎景之外。所以作限於華。喬壯天地之嶮。介呼吸萬里。吐納靈潮。自然往復。或夕或朝。激逸勢以前驅。乃鼓怒而作濤。峨嶠爲泉陽之揭。玉壘作東別之標。衡霍磊落。以連鎖。巫廬嵬窟。而比嶠。協靈通氣。潰薄相陶。流風蒸雷。騰虹揚霄。出信陽。而長邁。淙大壑。與沃焦。若乃巴東之峽。夏后疏鑿。絕岸

萬丈。壁立赧駭。虎牙嶸豎。以屹崿。荆門闕竦。而磐礴。圓淵九迴。以懸騰。溢流雷响。而電激。駭浪暴灑。驚波飛薄。迅復增澆。湧湍疊躍。砢巖鼓作。崩滂聚澗。漿澳灑淑。潰澆波滂。瀉瀉湟。湟泐。決瀟瀟。瀾淪旋。濃滌滌。澗澗瀆。瀑漫滅。盡浪龍鱗。結絡碧沙。遺漉而往來。巨石砢砢。以前卻。潛演之所。汨漉奔漚。之所。礧錯厓隙。爲之泐。嶮嶮嶺。爲之崿。岬幽澗。積阻。碧砢砢。砢砢若乃曾潭之府。靈湖之淵。澄澹汪沆。潢滉困汝。泓沍涸滌。涸滌荆圖。湊混瀚。顯渙流。映揚焔。溟漭渺沔。汗汗涸涸。察之無象。尋之無邊。氣滄淳。以霧杳。時鬱律。其如煙。類肝渾之未凝。象太極之構。天長波。決滌峻。湍崔嵬。盤渦谷。轉凌濤。山頽陽。戾破。砥以岸起。洪瀾宛演。而雲迴。浩淪窅。漭乍沓。乍堆。礧如地裂。豁

若天開。觸曲崖以縈繞。駭崩浪而相礪。鼓合窟以澎湃。乃溢湧而駕隈。魚則江豚海狶。叔鮪王鱸。鰩鯨鯨鯨。鮫鱈鯨鯨。或鹿貉象鼻。或虎狀龍顏。鱗甲錯煥。爛錦斑揚。鬣掉尾噴浪。飛颺排流。呼哈隨波。遊延或曝采以晃淵。或嚇鯉乎巖間。介鯨乘濤以出人。鱗鮓順時而往還。爾其水物怪錯。則有潛鵠魚牛。虎蛟鈎蛇。輪轉蠶蝠。鱗鼈鼉。玉珧海月。土肉石華。三蠖。蚌。江。鸚。螺。蛇。蝸。環。蚌。腹。蟹。水。母。日。蝦。紫。虻。如。渠。洪。蚶。專。車。瓊。蚌。晞。曜。以。瑩。珠。石。蚌。應。節。而。揚。葩。蜃。蝻。森。衰。以。垂。翹。玄。螭。礪。礪。而。礪。啞。或。泛。漱。於。潮。波。或。混。淪。乎。泥。沙。若。乃。龍。鯉。一。角。奇。鷄。九。頭。有。鼈。三。足。有。龜。六。眸。積。螿。胛。躍。而。吐。璣。文。鮓。磬。鳴。以。孕。珍。倏。蟪。拂。翼。而。掣。耀。神。蜈。蠃。輪。以。沈。遊。駢。馬。騰。波。以。噓。

蹠。水。兕。雷。咆。乎。陽。侯。淵。客。築。室。於。巖。底。鮫。人。構。館。於。懸。流。電。布。餘。糧。星。離。沙。鏡。青。綸。競。糾。縹。組。爭。映。紫。菜。熒。擘。以。叢。被。綠。苔。鬚。鬚。乎。研。上。石。帆。蒙。籠。以。蓋。嶼。萍。實。時。出。而。漂。泳。其。下。則。金。礦。丹。礫。雲。精。燭。銀。瑒。瑒。瑒。瑰。水。碧。潛。昏。鳴。石。列。於。陽。渚。浮。磬。肆。乎。陰。濱。或。頰。彩。輕。漣。或。焔。曜。涯。鄰。林。無。不。潄。岸。無。不。津。其。羽。族。也。則。有。晨。鵠。天。雞。鳩。鷲。鷗。馱。陽。鳥。爰。翔。于。以。玄。月。千。類。萬。聲。自。相。喧。聒。濯。翮。疏。風。鼓。翅。翻。翮。揮。弄。灑。珠。拊。拂。瀑。沫。集。若。霞。布。散。如。雲。豁。產。鼈。積。羽。往。來。勃。碣。檉。杞。楨。薄。於。溥。淡。枒。槎。森。嶺。而。羅。峰。桃。枝。篔。簹。實。繁。有。叢。葭。蒲。雲。蔓。櫻。以。蘭。紅。揚。暄。眊。擢。紫。茸。蔭。潭。隩。被。長。江。繁。蔚。芳。離。隱。藹。水。松。涯。灌。芊。菓。潛。蒼。葱。龍。鮫。鮓。踞。踞。於。垠。隙。獫。狽。睽。睽。乎。廕。空。迅。雌。臨。虛。

以騁巧。孤獲登危。而雍容夔。若翹蹠於夕陽。駕雛弄翮。乎山東。因岐成渚。觸澗開渠。漱壑生浦。區別作湖。澄之以滌。瀝滌之以尾間。標之以翠翳。泛之以遊菰。播匪藝之芒種。挺自然之嘉蔬。鱗被菱荷。攢布水菰。翹莖藻藻。濯穎散裹。隨風猗萎。與波潭沲。流光潛映。景炎霞火。其旁則有雲夢雷池。彭蠡青草。具區洮漏。珠滄丹灤。極望數百。沆瀣晶滌。爰有包山洞庭。巴陵地道。潛達旁通。幽岫窈窕。金精玉瑱。其裏瑤珠怪石。絳其表。驪蚪穆其址。稍雲冠其嶠。海童之所巡遊。琴高之所靈矯。冰夷倚浪。以傲睨。江妃含嚔。而矚眇。撫凌波而鳧躍。吸翠霞而天矯。若乃宇宙澄寂。八風不翔。舟子於是擗棹。涉人於是搯榜。漂飛雲。運餘艖。舳舻相屬。萬里連檣。沂泗流。或

漁或商。赴交益。投幽浪。竭南極。窮東荒。爾乃緒霧侵於清旭。覘五兩之動靜。長風躡以增扇。廣莫颺而氣整。徐而不駸。疾而不猛。鼓帆迅越。起漲截河。凌波縱施。電往杳冥。霽如晨霞。孤征眇若雲翼。絕嶺倏忽。數百千里。俄頃飛廉。無以晞其蹤。渠黃不能企其景。於是蘆人漁子。攢落江山。衣則羽褐。食則蔬鱸。楫澗為泠。夾激羅笳。筒灑連鋒。管雷比船。或揮輪於懸崎。或中瀨而橫旋。忽忘夕而宵歸。詠採菱以叩舷。傲自足於一軀。尋風波以窮年。爾乃域之以盤巖。豁之以洞壑。疏之以池汜。鼓之以朝夕。川流之所歸。湊雲霧之所蒸。液珍怪之所化。產瑰奇之所窟。宅納隱淪之列。真挺異人乎。精魄播靈潤。於千里。越岱宗之觸石。及其譎變儵恍。符祥非一。動應無方。

感事而出經紀天地錯綜人術妙不可盡之於言事不可窮之於筆若乃岷精垂曜於東井陽侯遞形乎大波奇相得道而宅神乃協靈爽於湘娥駭黃龍之負舟識伯禹之仰嗟壯荆飛之擒蛟終成氣乎太阿悍要離之圖慶在中流而推戈悲靈均之任石歎漁父之權歌想周穆之濟師驅八駿於龜鼉感交甫之喪珮慙神使之嬰羅煥大塊之流形混萬盡於一科保不虧而永固稟元氣於靈和考川瀆之妙觀實莫著於江河

風賦

宋玉

楚襄王遊於蘭臺之宮宋玉景差侍有風颯然而至王乃披襟而當之曰快哉此風寡人所與庶人共者邪宋玉對曰此

獨大王之風耳庶人安得而共之王曰夫風者天地之氣溥暢而至不擇貴賤高下而加焉今子獨以爲寡人之風豈有說乎宋玉對曰臣聞於師枳句來巢空穴來風其所託者然則風氣殊焉王曰夫風始安生哉宋玉對曰夫風生於地起於青蘋之末侵淫谿谷盛怒於土囊之口緣太山之阿舞於松柏之下飄忽湖海激颺燦怒眩眩雷聲迴穴錯迕厯石伐木梢殺林莽至其將衰也被麗披離衝孔動捷响渙燦爛離散轉移故其清涼雄風則飄舉升降乘凌高城入于深宮邸華葉而振氣徘徊於桂椒之間翱翔於激水之上將擊芙蓉之精獵蕙草離秦蘅槩新夷被稊楊迴穴衡陵蕭條衆芳然後倘佯中庭北上玉堂躋于羅帷經于洞房迺得爲大王之

風也。故其風中人，狀直憊悽，林慄，清涼增秋，清清泠泠，愈病析醒，發明耳目，寧體便人。此所謂大王之雄風也。王曰：善哉！論事夫。庶人之風，豈可聞乎？宋玉對曰：夫庶人之風，塤然起於窮巷之間，堀堞揚塵，勃鬱煩冤，衝孔襲門，動沙堞，吹死灰，駭溷濁，揚腐餘，邪薄入甕牖，至於室廬，故其風中人，狀直憊，溷鬱邑，毆溫致溼，中心慘怛，生病造熱，中脣為彫，得目為曠，喑齟嗽獲，死生不卒。此所謂庶人之雌風也。

秋興賦

并序

潘岳

晉十有四年，余春秋三十有二，始見一毛。以太尉掾兼虎賁中郎將，寓直于散騎之省，高閣連雲，陽景穿曜，珥蟬冕而襲紈綺之士，此焉遊處。僕野人也，偃息不過茅屋茂林之下，談

話不過農夫田父之客，攝官承乏，猥廁朝列，夙興晏寢，匪遑底寧。譬猶池魚籠鳥，有江湖山藪之思。於是染翰操紙，慨然而賦于時秋也。故以秋興命篇。其辭曰：四運忽其代序兮，萬物紛以迴薄。覽花時之時育兮，察盛衰之所託。感冬索而春敷兮，嗟夏茂而秋落。雖末士之策悴兮，伊人情之美惡。善乎宋玉之言曰：悲哉秋之爲氣也。蕭瑟兮，草木搖落而變衰。慘慄兮，若在遠行。登山臨水，送將歸夫。送歸懷慕，徒之戀兮。遠行有羈旅之憤，臨川感流以歎逝兮。登山懷遠而悼近，彼四感之疚心兮。遭一塗而難忍，嗟秋日之可哀兮。諒無愁而不盡。野有歸燕，隰有翔隼。游氛朝興，槁葉夕隕。於是乃屏輕箠，釋纖絺，藉莞蒹，御袷衣。庭樹撼以灑落。

兮勁風戾而吹帷。蟬嘒嘒以寒吟。兮鴈飄飄而南飛。天晃朗以彌高。兮日悠揚而浸微。何微陽之短晷。覺涼夜之方永。月墮隴以含光。兮露淒清以凝冷。熠燿粲於階闈。兮蟋蟀鳴乎軒屏。聽離鴻之晨吟。望流火之餘景。宵耿介而不寐。兮獨展轉於華省。悟時歲之適盡。兮慨俛首而自省。斑鬢彪以承弁。兮素髮颯以垂領。仰羣儔之逸軌。兮攀雲漢以遊騁。登春臺之熙熙。兮珥金貂之炯炯。苟趣舍之殊途。兮庸詎識其躁靜。聞至人之休風。兮齊天地於一指。彼知安而忘危。兮固出生而入死。行投趾於容跡。兮殆不踐而獲底。闕側足以及泉。兮雖猴猿而不履。龜祀骨於宗祧。兮思反身於綠水。且歛衽以歸來。兮忽投紱以高厲。耕東臯之沃壤。兮輸黍稷之餘稅。泉涌湍於石間。兮菊揚芳乎崖澗。淥秋水之涓涓。兮玩游鯈之泔泔。逍遙乎山川之阿。兮放曠乎人間之世。優哉游哉。聊以卒歲。

雪賦

謝惠連

歲將暮時。既昏寒風積。愁雲繁。梁王不悅。遊於兔園。乃置旨酒。命賓友。召鄰生。延枚叟。相如末至。居客之右。俄而微霰零。密雪下。王乃歌。北風於衛詩。詠南山於周雅。授簡於司馬大。夫曰。抽子秘思。騁子妍辭。侔色揣稱。爲寡人賦之。相如於是。避席而起。逡巡而揖。曰。臣聞雪宮建於東國。雪山峙於西域。岐昌發詠於來思。姬滿申歌於黃竹。曹風以麻衣比色。楚謠以幽蘭儷曲。盈尺則呈瑞於豐年。表丈則表沴於陰德。雪之

時義遠矣哉。請言其始。若乃玄律窮嚴，氣升焦溪，涸湯谷，凝
火井，滅溫泉，冰沸潭，無湧炎風，不興北戶，墜扉裸壤，垂繒於
是。河海生雲，朔漠飛沙，連氛累霧，掩日韜霞，霰浙瀝而先集，
雪紛糅而遂多。其爲狀也，散漫交錯，氛氳蕭索，藹藹浮浮，漚
漚奕奕，聯翩飛灑，徘徊委積，始緣薨而冒棟，終開簾而入隙。
初嫌娟於墀廡，末繁盈於帷席。旣因方而爲球，亦遇圓而成
壁。眇隰則萬頃同編，瞻山則千巖俱白。於是臺如重壁，達似
連璐，庭列瑤階，林挺瓊樹，皓鶴奪鮮，白鷗失素，紈袖慙冷，玉
顏掩嫵。若乃積素未虧，白日朝鮮，爛兮若燭龍，銜耀照崑山，
爾其流滴垂冰，綠雷承隅，粲兮若馮夷剖蚌，列明珠。至夫繽
紛繁鶩之貌，皓汗皦潔之儀，迴散繁積之勢，飛聚凝曜之奇。

固展轉而無窮，嗟難得而備知。若乃申娛玩之無已，夜幽靜
而多懷，風觸楹而轉響，月承幌而通暉，酌湘吳之醇酎，御狐
貉之兼衣，對庭鷗之雙舞，瞻雲鴈之孤飛，折園中之萱草，擿
階上之芳薇，踐霜雪之交積，憐枝葉之相違，馳遙思於千里，
願接手而同歸，鄒陽聞之懣然，心服有懷，妍唱敬接，末曲於
是，乃作而賦積雪之歌。歌曰：攜佳人兮披重幄，援綺衾兮坐
芳褥，燎薰爐兮炳明燭，酌桂酒兮揚清曲。又續而爲白雪之
歌。歌曰：曲旣揚兮酒旣陳，朱顏醜兮思自親，願低帷以昵枕，
念解珮而褫紳，怨年歲之易暮，傷後會之無因。君寧見階上
之白雪，豈鮮耀於陽春。歌卒，王乃尋繹吟詠，撫覽扼腕，顧謂
枚叔起而爲亂。亂曰：白羽雖白質，以輕兮。白玉雖白空，守貞

今未若茲雪因時興滅玄陰凝不昧其潔太陽曜不固其節
節豈我名潔豈我貞憑雲升降從風飄零值物賦像在地班
形素因遇立汚隨染成縱心皓然何慮何營

月賦

謝莊

陳王初喪應劭端憂多暇綠苔生閣芳塵凝榭悄焉疚懷不
怡中夜乃清蘭路肅桂苑騰吹寒山弭蓋秋坂臨瀆壑而怨
遙登崇岫而傷遠于時斜漢左界北陸南躔白露曖空素月
流天沈吟齊章殷勤陳篇抽毫進牘以命仲宣仲宣跪而稱
曰臣東鄙幽介長自丘樊昧道懵學孤奉明恩臣聞沈潛既
義高明既經日以陽德月以陰靈擅扶光於東沼嗣若英於
西冥引玄兔於帝臺集素娥於后庭朐朐警闕朏魄示冲順

辰通燭從星澤風增華台室揚彩軒宮委照而吳業昌淪精
而漢道融若夫氣霽地表雲歛天末洞庭始波木葉微脫菊
散芳於山椒鴈流哀於江瀨升清質之悠悠降澄暉之藹藹
列宿掩綉長河韜映柔祇雪凝圓靈水鏡連觀霜縞周除冰
淨君王乃厭晨歡樂宵宴收妙舞弛清縣去燭房卽月殿芳
酒登鳴琴薦若乃涼夜自淒風篁成韻親懿莫從羈孤遞進
聆臯禽之夕聞聽朔管之秋引於是絃桐練響音容選和徘徊
迴房露惆悵陽阿聲林虛籟淪池滅波情紆軫其何託想皓
月而長歌歌曰美人邁兮音塵闕隔千里兮共明月臨風歎
兮將焉歇川路長兮不可越歌響未終餘景就畢滿堂變容
迢遑如失又稱歌曰月既沒兮露欲晞歲方晏兮無與歸佳

期可以還微霜霑人衣陳王曰善乃命執事獻壽羞璧敬佩
王音復之無斃

鵬鳥賦 并序

賈誼

誼爲長沙王傅三年有鵬鳥飛入誼舍止於坐隅鵬似鴉不
祥鳥也誼旣以謫居長沙長沙卑濕誼自傷悼以爲壽不得
長乃爲賦以自廣其辭曰

單闕之歲兮四月孟夏庚子日斜兮鵬集余舍止於坐隅兮
貌甚閑暇異物來萃兮私怪其故發書占之兮識言其度曰
野鳥入室主人將去請問于鵬余去何之吉乎告我凶言其
災淹速之度兮語余其期鵬廼歎息舉首奮翼口不能言請
對以臆曰萬物變化兮固無休息幹流而遷兮或推而還形

氣轉續兮變化而蟪沕穆無窮兮胡可勝言禍兮福所倚福
兮禍所伏憂喜聚門兮吉凶同城彼吳彊大兮夫差以敗越
棲會稽兮句踐霸世斯遊遂成兮卒被五刑傳說胥靡兮乃
相武丁夫禍之與福兮何異糾纏命不可說兮孰知其極水
激則悍兮矢激則遠萬物回薄兮振盪相轉雲蒸雨降兮糾
錯相紛大鈞播物兮塊垠無垠天不可預慮兮道不可預謀
遲速有命兮焉識其時且夫天地爲鑪兮造化爲工陰陽爲
炭兮萬物爲銅合散消息兮安有常則千變萬化兮未始有
極忽然爲人兮何足控搏化爲異物兮又何足患小智自私
兮賤彼貴我達人觀兮物無不可貪夫徇財兮烈士徇名
夸者死權兮品庶每生休迫之徒兮或趨西東大人不曲兮

文選正文卷之三
意變齊同。愚士繫俗兮。窘若囚拘。至人遺物兮。獨與道俱。衆人惑惑兮。好惡積億。真人恬漠兮。獨與道息。釋智遺形兮。超然自喪。廖廓忽荒兮。與道翱翔。乘流則逝兮。得坻則止。縱軀委命兮。不私與已。其生兮若浮。其死兮若休。澹乎若深淵之靜。泛乎若不繫之舟。不以生故自寶兮。養空而浮。德人無累兮。知命不憂。細故蒂芥兮。何足以疑。

鸚鵡賦 并序

爾衡

時黃祖太子射賓客大會。有獻鸚鵡者。舉酒於衡前曰。爾處士。今日無用。娛賓竊以此鳥自遠而至。明慧聰善。羽族之可貴。願先生爲之賦。使四坐咸共榮觀。不亦可乎。衡因爲賦。筆不停綴。文不加點。其辭曰。

惟西域之靈鳥。挺自然之奇姿。體金精之妙質。含火德之明輝。性辯慧而能言。今才聰明以識機。故其嬉遊高峻。栖時幽深。飛不安集。翔必擇林。紺趾丹觜。綠衣翠衿。采麗容皎皎。好音雖同。族於羽毛。固殊智而異心。配鸞皇而等美。焉比德於衆禽。於是美芳聲之遠暢。偉靈表之可嘉。命虞人於隴坻。詔伯益於流沙。跨崑崙而播弋。冠雲霓而張羅。雖網維之備設。終一目之所加。且其容止閑暇。守植安停。逼之不懼。撫之不驚。寧順從以遠害。不違忤以喪生。故獻全者受賞。而傷肌者被刑。爾乃歸窮委命。離羣喪侶。閉以彫籠。翦其翅羽。流飄萬里。崎嶇重阻。踰岷越障。載雁寒暑。女辭家而適人。臣出身而事主。彼賢哲之逢患。猶棲遲以羈旅。矧禽鳥之微物。能馴

擾以安處眷西路而長懷望故鄉而延佇村陋體之腥臊亦何勞於鼎俎嗟祿命之衰薄奚遭時之險巖豈言語以階亂將不密以致危痛母子之永隔哀伉儷之生離匪餘年之足借愍衆維之無知背蠻夷之下國待君子之光儀懼名實之不副恥才能之無奇羨西都之沃壤識苦樂之異宜懷代越之悠思故每言而稱斯若乃少昊司晨蓐收整轡嚴霜初降涼風蕭瑟長吟遠慕哀鳴感類音聲淒以激揚容貌慘以顛頽聞之者悲傷見之者隕淚放臣爲之屢歎棄妻爲之歔歔感平生之遊處兮若墟篋之相須何今日之兩絕若胡越之異區順樞檻以俯仰闕戶牖以踟躕想崑山之高嶽思鄧林之扶疏顧六翮之殘毀雖奮迅其焉如心懷歸而弗果徒怨庶彌久而不渝

鷓鴣賦 并序

張華

鷓鴣小鳥也生於蒿萊之間長於藩籬之下翔集尋常之內而生生之理足矣色淺體陋不爲人用形微處卑物莫之害繁滋族類乘居匹遊翩翩然有以自得彼鷲鸚鵡鴻孔雀翡翠或陵赤霄之際或託絕垠之外翰舉足以冲天鶩距足以自衛然皆負矰嬰繳羽毛入貢何者有用於人也夫言有淺而可以託深類有微而可以喻大故賦之云爾

何造化之多端兮播羣形於萬類惟鷓鴣之微禽兮亦攝生

而受氣育。翩翩之陋體。今無玄黃以自貴。毛弗施於器用。分肉不登乎俎味。鷹鷂過猶俄翼。今尚何懼於罽罽。翳蒼蒙龍。是焉遊集。飛不飄颻。翔不翕習。其居易容。其求易給。巢林不過一枝。每食不過數粒。栖無所滯。遊無所盤。匪陋荆棘。匪榮菹蘭。動翼而逸。投足而安。委命順理。與物無患。伊茲禽之無知。分何處身之似智。不懷寶以質。害兮不飾。表以招累。靜守約而不矜。動因循以簡易。任自然以爲資。無誘慕於世。儻雕鷗介其觜距。鵠鷺軼於雲際。鴟雞竄於幽險。孔翠生乎遐裔。彼晨鳧與歸鴈。又矯翼而增逝。咸美羽而豐肌。故無罪而皆斃。徒銜蘆以避繳。終爲戮於此世。蒼鷹鷲而受縲。鸚鵡惠而入籠。屈猛志以服養。塊幽繫於九重。變音聲以順旨。思摧翮而爲庸。戀鍾岱之林野。慕隴坻之高松。雖蒙幸於今日。未若疇昔之從容。海鳥鷗鷺避風而至。條枝巨雀踰嶺自致。提挈萬里。飄飄逼畏。夫唯體大妨物。而形瓌足璋也。陰陽陶蒸。萬品一區。巨細舛錯。種繁類殊。鶴嶼巢於蚊睫。大鵬彌乎天隅。將以上方不足。而下比有餘。普天壤以遐觀。吾又安知其小大之所如。

赭白馬賦 并序

顏延之

驥不稱力。馬以龍名。豈不以國上威容。軍駢趨迅而已。實有騰光吐圖。疇德瑞聖之符焉。是以語崇其靈。世榮其至。我高祖之造宋也。五方率職。四隩入貢。秘寶盈於玉府。文駟列乎華廐。乃有乘輿赭白。特稟逸異之姿。妙簡帝心。用錫聖阜服。

御順志馳驟合度齒歷雖衰而藝美不忒襲養兼年恩隱周
渥歲老氣殫斃于內棧少盡其力有側上仁乃詔陪侍奉述
中旨末臣庸蔽敢同獻賦其辭曰

維宋二十有二載盛烈光乎重葉武義粵其肅陳文教迄已
優洽泰階之平可升興王之軌可接訪國美於舊史考方載
於往牒昔帝軒陟位飛黃服皂后唐膺錄赤文候日漢道亨
而天驥呈才魏德懋而澤馬效質伊逸倫之妙足自前代而
間出並榮光於瑞典登郊歌乎司律所以崇衛威神扶護警
蹕是用精曜叶從靈物咸秩暨明命之初基罄九區而率順
有肆險以稟朔或踰遠而納賚聞王會之阜昌知函夏之克
勗總六服以收賢掩七戎而得駿蓋乘風之淑類實先景之

洪胤故能代駿象輿歷配鈎陳齒筭延長聲價隆振信聖祖
之蕃錫畱皇情而驟進徒觀其附筋樹骨垂梢植髮雙瞳夾
鏡兩權協月異體峰生殊相逸發超據絕夫塵轍驅駑迅於
滅沒簡偉塞門獻狀絳闕且刷幽燕晝秣荆越教敬不易之
典訓人必書之舉惟帝惟祖爰遊爰豫飛轡軒以戒道環穀
騎而清路勒五營使案部聲八鑿以節步具服金組兼飾丹
雘寶鉸星纏鏤章霞布進迫遮迺却屬輦輅歛聳摧以鴻驚
時濩畧而龍翥弭雄姿以奉引婉柔心而待徇至於露滋月
肅霜戾秋登王于興言闡肄威稜臨廣望坐百層料武藝品
驍騰流藻周施和鈴重設睨影高鳴將超中折分馳迥塲角
壯永埒別輩越羣絢練夔絕捷趨夫之敏手促華鼓之繁節

經玄蹄而電散。歷素支而冰裂。膺門沫赭。汗溝走血。跪迹廻唐。畜怒未洩。乾心降而微怡。都人仰而明悅。妍變之態。既畢。凌遠之氣。方屬。跼鑣轡之牽制。隘通都之圈束。眷西極而驤首。望朔雲而蹠足。將使紫鸞駢衡。綠虵衛轂。織繩接趾。秀駢齊。丁覲王母於崑崙。要帝臺於宣嶽。跨中州之轍迹。窮神行之軌。躅然而盤于遊畋。作鏡前王。肆於人上。取悔義方。天子乃輟駕。迴慮息。徒解裝鑿。武穆憲文光。振民隱。修國章。戒出豕之敗御。惕飛鳥之時衡。故祗慎乎所常。忽敬備乎所未防。輿有重輪之安。馬無泛駕之佚。處以濯龍之奧。委以紅粟之秩。服養知仁。從老得卒。加弊帷。收仆質。天情周皇。恩畢亂曰。惟德動天。神物儀兮。於時駟駿。充階街兮。稟靈月駟。祖雲螭兮。雄志儻精。權奇兮。既剛且淑。服鞿羈兮。効足中黃。狗驅馳兮。願終惠養。蔭本枝兮。竟先朝露。長委離兮。

舞鶴賦

鮑照

散幽經以驗物。偉胎化之仙禽。鍾浮曠之藻質。抱清迥之明心。指蓬壺而翻翰。望崑閬而揚音。巾日域以迴驚。窮天步而高尋。踐神區其既遠。積靈祀而方多。精含丹而星曜。頂凝紫而煙華。引貪吭之纖婉。頓脩趾之洪嬌。疊霜毛而弄影。振玉羽而臨霞。朝戲於芝田。夕飲乎瑤池。厭江海而遊澤。掩雲羅而見羈。去帝鄉之岑寂。歸人寰之喧卑。歲崢嶸而愁暮。心惆悵而哀離。於是窮陰殺節。急景周年。涼沙振野。箕風動天。嚴嚴苦霧。皎皎悲泉。冰塞長河。雪滿羣山。既而氛昏夜歇。景物

澄廓星翻漢迴曉月將落感寒雞之早晨憐霜雁之違漠臨
驚風之蕭條對流光之照灼吸清響於丹墀舞飛容於金閣
始連軒以鳳踰終宛轉而龍躍躑躅徘徊振迅騰摧驚身蓬
集矯翅雲飛離網別赴合緒相依將與中止若往而歸颯沓
矜顧遷延遲暮逸翮後塵翽翽先路指會規翔臨歧矩步態
有遺妍貌無停趣奔機逗節角昧分形長揚緩鷺並翼連聲
輕迹凌亂浮影交橫衆變繁姿參差游密煙交霧凝若無毛
質風去雨還不可談悉既散竟而盪目迷不知其所之忽星
離而雲罷整神容而自持仰天居之崇絕更惆悵以驚思當
是時也燕姬色沮巴童心耻巾拂兩停丸劍雙止雖邯鄲其
敢倫豈陽阿之能擬入衛國而乘軒出吳都而領市守馴養
於干齡結長悲於萬里

幽通賦

班固

系高項之玄胃兮氏中葉之炳靈飄凱風而蟬蛻兮雄朔野
以颺聲皇十紀而鴻漸兮有羽儀於上京巨滔天而泯夏兮
考遺愍以行譖終保已而貽則兮里上仁之所廬懿前烈之
純淑兮窮與達其必濟咨孤蒙之眇眇兮將圯絕而罔階豈
余身之足殉兮違世業之可懷靖潛處以永思兮經日月而
彌遠匪黨人之敢捨兮庶斯言之不玷竟煢煢與神交兮精
誠發於宵寐夢登山而迥眺兮覲幽人之髣髴攬葛藟而授
余兮眷峻谷日勿墜兮物昕寤而仰思兮心矇矇猶未察黃神
邈而靡質兮儀遺讖以臆對日乘高而選神兮道遐通而不

迷葛絲絲於樛木兮詠南風以爲綏蓋惴惴之臨深兮乃二
雅之所祗既訊爾以吉象兮又申之以炯戒蓋孟晉以迨羣
兮辰儵忽其不再承靈訓其虛徐兮佇盤桓而且俟惟天地
之無窮兮鮮生民之晦在紛屯遭與蹇連兮何艱多而知寡
上聖迕而後拔兮豈羣黎之所御昔衛叔之御昆兮昆爲寇
而喪予管彎弧欲斃讐兮讐作后而成已變化故而相詭兮
孰云預其終始雍造怨而先賞兮丁繇惠而被戮栗取弔于
道吉兮王膺慶於所履叛迴穴其若茲兮北叟頗識其倚伏
單治裏而外凋兮張修禲而內逼聿中穌爲庶幾兮顏與冉
又不得濶招路以從已兮謂孔氏猶未可安惛惛不葩兮卒
隕身乎世禍遊聖門而靡救兮雖覆醢其何補固行行其必

凶兮免盜亂爲賴道形氣發於根抵兮柯葉彙而零茂恐魍
魎之責景兮羌未得其云已黎淳耀於高辛兮芊彊大於南
汜羸取威於百儀兮姜本支乎二趾既仁得其信然兮仰天
路而同軌東鄰虐而殲仁兮王合位乎三五戎女烈而喪孝
兮伯徂歸於龍虎發還師以成命兮重醉行而自耦震鱗聚
於夏庭兮匪三正而滅姬巽羽化乎宣宮兮彌五辟而成災
道脩長而世短兮夔冥默而不周胥仍物而鬼誼兮乃窮宙
而達幽媯巢姜於孺筮兮且筭祀於契龜宣曹興敗於下夢
兮魯衛名謚於銘誥妣聆呱而劾石兮許相理而鞠條道混
成而自然兮術同原而分流神先心以定命兮命隨行以消
息幹流遷其不濟兮故遭罹而羸縮三樂同於一體兮雖移

易而不忒洞參差其紛錯兮斯衆兆之所惑周賈盪而貢憤
兮齊死生與禍福抗爽言以矯情兮信畏犧而忌鵬所貴聖
人至論兮順天性而斷誼物有欲而不居兮亦有惡而不避
守孔約而不貳兮乃輔德而無累三仁殊於一致兮夷惠舛
而齊聲木偃息以蕃魏兮申重繭以存荆紀焚躬以衛上兮
皓願志而弗傾侯草木之區別兮苟能實其必榮要歿世而
不朽兮乃先民之所程觀天網之絃覆兮實悲謀而相訓謨
先聖之大猷兮亦鄰德而助信虞韶美而儀鳳兮孔忘味於
千載素文信而底麟兮漢賓祚于異代精通靈而感物兮神
動氣而入微養流睇而猿號兮李虎發而石開非精誠其焉
通兮苟無實其孰信操末技猶必然兮矧耽躬於道真登孔

昊而上下兮緯羣龍之所經朝貞觀而夕化兮猶誼已而遺
形若胤彭而偕老兮訴來哲而通情亂曰天造草昧立性命
兮復心弘道惟聖賢兮渾元運物流不處兮保身遺名民之
表兮舍生取誼亦道用兮憂傷天物忝莫痛兮皓爾太素曷
渝色兮尚越其幾淪神域兮

思玄賦

張衡

仰先哲之玄訓兮雖彌高而弗違匪仁里其焉宅兮匪義跡
其焉追潛服膺以永靖兮緜日月而不衰伊中情之信脩兮
慕古人之貞節竦余身而順止兮遵繩墨而不跌志搏搏以
應懸兮誠心固其如結旌性行以製珮兮佩夜光與瓊枝繡
幽蘭之秋華兮又綴之以江蘼美襲積以酷烈兮允塵邈而

難虧既姱麗而鮮雙兮非是時之攸珍奮余榮而莫見兮播
余香而莫聞幽獨守此側陋兮敢怠違而舍勤幸二八之選
虞兮嘉傳說之生殷尚良之遺風兮恫後辰而無及何孤
行之莞莞兮子不羣而介立感鸞鷲之特棲兮悲淑人之希
合彼無合其何傷兮患衆偽之冒真且獲讎于羣弟兮啓金
滕而後信覽蒸民之多僻兮畏立辟以危身曾煩毒以迷惑
兮嗟孰可以爲言已私湛憂而深懷兮思續紛而不理願竭
力以守義兮雖貧窮而不改執雕虎而試象兮沾焦原而跟
止庶斯奉趾以周旋兮要既死而後已俗遷渝而事化兮泯
規矩之圓方寶蕭艾於重笥兮謂蕙芷之不香斥西施而弗
御兮繫驥襄以服箱行頗僻而獲志兮循法度而離殃惟天

地之無窮兮何遭遇之無常不抑操而苟容兮譬臨河而無
航欲巧笑以干媚兮非余心之所嘗襲溫恭之黻衣兮被禮
義之繡裳辨貞亮以爲輦兮雜伎藝以爲珩昭綵藻以瑀珠
兮璜聲遠而彌長淹棲遲以恣欲兮曜靈忽其西藏恃已知
而華予兮鸚鵡鳴而不芳冀一年之三秀兮適白晝之爲霜
時疊疊而代序兮疇可與乎比侂姘妬媿之難並兮想依韓
以流亡恐漸冉而無成兮畱則蔽而不彰心猶豫而狐疑兮
卽岐趾而臚情文君爲我端著兮利肥遞以保名歷衆山以
周流兮翼迅風以揚聲一女感於崇嶽兮或冰折而不管天
蓋高而爲澤兮誰云路之不平勗自彊而不息兮蹈玉階之
曉暉懼筮氏之長短兮鑽東龜以觀禎遇九臯之介鳥兮怨

素意之不呈遊塵外而警天兮據冥翳而哀鳴鵬鸚競於貪
婪兮我修潔以益榮子有故於玄鳥兮歸母氏而後寧占既
吉而無悔兮簡元辰而俶裝且余沐於清源兮晞余髮於朝
陽漱飛泉之漉液兮咀石菌之流英翺鳥舉而魚躍兮將往
走乎八荒過少皞之窮野兮問三丘于句芒何道真之淳粹
兮去穢累而影輕登蓬萊而容與兮鼇雖抃而不傾畱瀛洲
而採芝兮聊且以乎長生憑歸雲而遐逝兮夕余宿乎扶桑
飲青岑之玉醴兮餐沆瀣以爲糧發昔夢於木末兮穀崑崙
之高岡朝吾行於暘谷兮從伯禹乎稽山嘉羣神之執玉兮
疾防風之食言指長沙以邪徑兮存重華乎南鄰哀一妃之
未從兮翩續處彼湘濱流日眺夫衡阿兮覩有黎之圯墳痛

火止之無懷兮託山坡以孤蒐愁鬱鬱以慕遠兮越卬州而
遊遨躋日中于昆吾兮憇炎火之所陶揚芒燦而絳天兮水
泫泫而涌濤溫風翕其增熱兮怒鬱悒其難聊顛羈旅而無
友兮余安能乎畱茲顧金天而歎息兮吾欲往乎西嬉前祝
融而使舉麾兮纒朱鳥以承旗躔建木於廣都兮撫若華而
躊躇超軒轅於西海兮跨汪氏之龍魚聞此國之千歲兮曾
焉足以娛余思九土之殊風兮從蓐收而遂徂歛神化而蟬
蛻兮朋精粹而爲徒蹶白門而東馳兮云台行乎中野亂弱
水之潺湲兮逗華陰之湍渚號馮夷俾清津兮擢龍舟以濟
予會帝軒之未歸兮悵倘佯而延佇泗河林之蓁蓁兮偉關
雎之戒女黃靈詹而訪命兮穆天道其焉如日近信而遠疑

今六籍闕而不書神遠昧其難覆兮疇克謨而從諸牛哀病
而成虎兮雖逢昆其必噬鼈令殪而尸亡兮取蜀禪而引世
死生錯其不齊兮雖司命其不聊竇號行於代路兮後膺祚
而繁廡王肆侈於漢庭兮卒銜恤而絕緒尉尾眉而郎潛兮
逮三葉而遭武董弱冠而司袞兮設王隧而弗處夫吉凶之
相仍兮恒反側而靡所穆屈天以悅牛兮豎亂叔而幽主文
斷祛而忌伯兮闔謁賊而寧后通人闇於好惡兮豈昏惑而
能剖羸擿讖而戒胡兮備諸外而發內或輦賄而違車兮孕
行產而爲對慎竈顯以言天兮占水火而妄評梁叟患夫黎
丘兮丁厥子而刺刃親所睇而弗識兮矧幽冥之可信無絲
攀以倖已兮思百憂以自疹彼天監之孔明兮用斐枕而祐

仁湯蠲體以禱祈兮蒙厖視以拯民景二慮以營國兮災惑
次於他辰魏顆亮以從治兮鬼亢回以斃秦咎繇邁而種德
兮樹德懋于英六桑末寄夫根生兮卉旣凋而已育有無言
而不酬兮又何往而不復盍遠迹以飛聲兮孰謂時之可蓄
仰矯首以遥望兮覓傲惘而無儔逼區中之隘陋兮將北度
而宜游行積冰之皚皚兮清泉汨而不流寒風淒其永至今
拂穹岫之騷騷玄武縮于殼中兮騰蛇蜿而自糾魚矜鱗而
并凌兮鳥登木而失條坐太陰之屏室兮慨含秋而增愁怨
高陽之相寓兮備顛頊而宅幽庸織路於四裔兮斯與彼其
何瘳望寒門之絕垠兮縱余絲乎不周迅焱瀟其媵我兮鶩
翩飄而不禁越谿壑之洞穴兮漂通川之砾砾經重陰乎寂

實兮。慾墳羊之深潛。追荒忽於地底兮。軼無形而土浮。出石
密之閭野兮。不識蹊之所由。速燭龍兮。執炬兮。過鍾山而中
休。瞰瑤谿之赤岸兮。弔祖江之見劉。聘王母於銀臺兮。羞玉
芝以療飢。戴勝怒其既歡兮。又謂余之行遲。載太華之玉女
兮。召洛浦之處妃。成姣麗以盡媚兮。增嫵眼而娥眉舒。眇倩
之纖腰兮。揚雜錯之袿微。離朱脣而微笑兮。頰的皪以遺光。
獻環珉與琛縞兮。申厥好以玄黃。雖色豔而賂美兮。志浩蕩
而不嘉。雙材悲於不納兮。並詠詩而清歌。歌曰。天地細縵。百
卉含葩。鳴鶴交頸。睢鳩相和。處子懷春。精魂回移。如何淑明
忘我。實多將答賦而不暇兮。爰整駕而亟行。瞻崑崙之巍巍
兮。臨滎河之洋洋。伏靈龜以負坻兮。且螭龍之飛梁。登閼風

之層城兮。構不死而爲牀。屑瑤藥以爲糝兮。斟白水以爲漿。
抨巫咸以占夢兮。乃貞吉之元符。滋令德於正中兮。含嘉秀
以爲敷。旣垂穎而顧本兮。亦要思乎故居。安和靜而隨時兮。
姑純懿之所廬。戒庶僚以夙會兮。僉供職而並迓。豐隆軒其
震霆兮。列缺擘其照夜。雲師黶以交集兮。凍雨沛其灑途。羲
琕輿而樹葩兮。擾應龍以服輅。百神森其備從兮。屯騎羅而
星布。振余袂而就車兮。修劔揭以低昂。冠岌岌其映蓋兮。佩
綈纒以輝煌。僕夫儼其正策兮。八乘騰而超驤。氛旌浴以天
旋兮。蜺旌飄以飛颺。撫軫軼而還睨兮。心勺灑其若湯。羨上
都之赫戲兮。何迷故而不忘。左青瑤以捷芝兮。右素威以司
鉦。前長離使拂羽兮。後委水衡乎玄冥。屬箕伯以函風兮。澄

渙恣而爲清曳雲旗之離離兮鳴玉鸞之嚶嚶涉清霄而升
遐兮浮蟻蠓而上征紛翼翼以徐戾兮衆回回其揚靈叫帝
閭使闢扉兮覲天皇於瓊宮聆廣樂之九奏兮展洩洩以彤
彤考治亂於律均兮意建始而思終惟般逸之無斃兮懼樂
往而哀來素女撫絃而餘音兮太容吟日念哉旣防溢而靖
志兮迨我暇以翱翔出紫宮之肅肅兮集太微之閶闔命王
良掌策駟兮踰高閣之將將建罔車之幕幕兮獵青林之芒
芒鸞威弧之拔刺兮射嶧塚之封狼觀壁壘於北落兮伐河
鼓之磅礴乘天潢之汎汎兮浮雲漢之湯湯倚招搖攝提以
低回剽流兮察一紀五緯之綢繆適皇偃蹇天矯婉連卷兮
雜沓叢碩颺以方襲鹹汨膠淚沛以罔象兮爛熳麗靡貌以

迭邊凌驚雷之硃礚兮弄狂電之淫裔踰滄鴻於宕冥兮貫
倒景而高厲廓盪盪其無涯兮乃今窺乎天外據開陽而頽
眊兮臨舊鄉之諳藹悲離居而勞心兮情悁悁而思歸蒐眷
眷而屢顧兮馬倚輶而徘徊雖遊娛以媿樂兮豈愁慕之可
懷出閭闔兮降天途乘焱忽兮馳虛無雲霏霏兮繞余輪風
眇眇兮震余旗續連翩兮紛暗曖儵眩眩兮反常聞收疇昔
之逸豫兮卷淫放之遐心脩初服之娑娑兮長余佩之參參
文章負以燦爛兮美紛紜以從風御六藝之珍駕兮遊道德
之平林結典籍而爲罟兮毆儒墨而爲禽玩陰陽之變化兮
詠雅頌之徽音嘉會氏之歸耕兮慕歷阪之嵌嵌恭夙夜而
不貳兮固終始之所服夕惕若厲以省愆兮懼余身之未勅

荀中情之端直兮莫吾知而不慙。默無爲以凝志兮與仁義
乎逍遙不出戶而知天下兮何必歷遠以劬勞。系曰天長地
遠歲不留。俟河之清。祇懷憂願。得遠渡以自娛。上下無常窮
六區。超踰騰躍絕世俗。飄飄神舉逞所欲。天不可階。仙夫稀
柏舟悄悄。吝不飛。松喬高時孰能離。結精遠遊。使心携廻。志
竭來從玄謀。獲我所求。夫何思。

歸田賦

張衡

遊都邑以永久。無明畧以佐時。徒臨川以羨魚。俟河清乎未
期。感蔡子之慷慨。從唐生以決疑。諒天道之微昧。追漁父以
同嬉。超埃塵以遐逝。與世事乎長辭。於是仲春令月。時和氣
清。原隰鬱茂。百草滋榮。王睢鼓翼。倉庚哀鳴。交頸頡頏。關關
嚶嚶。於焉逍遙。聊以娛情。爾乃龍吟方澤。虎嘯山丘。仰飛織
繳。俯釣長流。觸矢而斃。貪餌吞鉤。落雲間之逸禽。懸淵沈之
魴鱮。于時曜靈俄景。繼以望舒。極盤遊之至樂。雖日夕而忘
劬。感老氏之遺誠。將廻駕乎蓬廬。彈五絃之妙指。詠周孔之
圖書。揮翰墨以奮藻。陳三皇之軌模。苟縱心於域外。安知榮
辱之所如。

文選卷之三

